



*Bosna i Hercegovina*  
*Federacija Bosne i Hercegovine*  
*Bosansko - podrinjski kanton Goražde*  
**MINISTARSTVO ZA PRIVREDU**

*Bosnia and Herzegovina*  
*ederation of Bosnia and Herzegov*  
*Bosnian - podrinje Canton Goraz*  
**MINISTRY OF ECONOMY**

*Босна и Херцеговина*  
*Федерација Босне и Херцеговине*  
*Босанско - подрињски кантон Горажде*  
**МИНИСТАРСТВО ЗА ПРИВРЕДУ**

---

Broj: 04- 14-610/18

Datum: 17.04.2018. godine

Na osnovu Memoranduma o zajedničkoj implementaciji Projekta „PRO-POSO“ u 2018.godini, Ministarstvo za privredu Bosansko-podrinjskog kantona Goražde u saradnji sa Obrtničkom komorom Bosansko-podrinjskog kantona Goražde objavljuju:

## **JAVNI POZIV ZA ODABIR OBRTRNIKA I POLAZNIKA ZA PRAKTIČNU OBUKU I STRUČNO OSPOSOBLJAVANJE**

### **I**

Ovim Pozivom pozivaju se svi zainteresovani obrtnici sa područja Bosansko-podrinjskog kantona Goražde da uzmu učešće u provođenju i implementaciji Projekta „PRO-POSO“ u 2018.godini koji podrazumjeva provođenje praktične obuke i stručno osposobljavanje za 8 polaznika koji će biti primljeni u radni odnos kod obrtnika, na period od 6 mjeseci.

Također, pozivaju se mladi nezaposleni, starosti do 35 godina života koji se nalaze na evidenciji Službe za zapošljavanje BPK Goražde, bez radnog iskustva, a koji imaju završenu srednju stručnu školu, da se prijave za praktičnu obuku i stručno osposobljavanje.

Naknadu plaće za 4 polaznika u iznosu od 400,00 KM po polazniku za 6 mjeseci finansiraće Ministarstvo za privredu BPK Goražde, a za ostala 4 polaznika naknadu plaće će finansirati Fondacija WINGS OF HOPE –DEUTSCHLAND i Udruženje za psihosocijalnu podršku i bolju budućnost „Progres“ Sarajevo.

Obaveze po osnovu poreza i doprinosa na platu polaznika praktične obuke će snositi obrtnici kod kojih polaznici budu primljeni u radni odnos radi stručnog osposobljavanja na period od 6 mjeseci.

### **II**

Pravo učešća po ovom Pozivu imaju svi registrovani obrtnici sa područja Bosansko-podrinjskog kantona Goražde koji su članovi Obrtničke komore BPK Goražde i koji redovno izmiruju poreze i doprinose.

Ukupan broj obrtnika koji je potreban za realizaciju navedenog Projekta je 8 obrtnika kod koji će biti uposljeno ukupno 8 polaznika praktične obuke i stručnog osposobljavanja.

### **III**

Obaveze obrtnika uslučaju da budu odabrani jesu da sa odabranim polaznikom zaključe ugovor o radu na određeno vrijeme u trajanju od 6 mjeseci, da provedu obuku i stručno osposobljavanje primljenog polaznika, da ga prijave na potrebna penzijska i zdravstvena osiguranja i da za istog plaćaju poreze po osnovu penzijskog i invalidskog osiguranja te druge doprinose na plaću. Također su u obavezi da polaznika zadrže u radnom odnosu 6 mjeseci koliko i traje praktična obuka i stručno osposobljavanje.

#### IV

Odabir obrtnika i polaznika će vršiti Ministarstvo za privredu BPK Goražde u saradnji sa Obrtničkom komorom BPK Goražde. Sa odobranim obrtnicima i polaznicima će se zaključiti odgovarajući ugovori kojima će se regulisati prava i obaveze obrtnika, polaznika te ostalih partnera koji su sudionici u provođenju gore navedenog Projekta.

#### V

Javni oglas ostaje otvoren 7 dana, a prijave na Javni oglas mogu se podnijeti na adresu Ministarstva za privredu BPK Goražde, ul. M. Tita broj 13. Prijave se podnose u zatvorenoj kovrti sa potrebnom dokumentacijom.

Obrtnici su uz prijavu obavezni dostaviti:

- dokaz o registraciji obrta,
- uvjerenja o izmirenim poreznim obavezama,
- te dokaz da su članovi Obrtničke komore BPK Goražde.

Polaznici praktične obuke, koji nisu stariji od 35 godina, uz svoju prijavu su dužni dostaviti:

- dokaz o završenoj srednjoj stručnoj školi,
- dokaz da se nalaze na evidenciji Službe za zapošljavanje BPK Goražde.

Nepotpune prijave se neće uzimati u razmatranje.

**S poštovanjem!**

**DOSTAVLJENO:**

1. Naslovu,
2. Evidenciji,
3. a/a

**MINISTAR**

Anes Salman